



SAKSPAPIR

Saksnr	Utval	Type	Dato
74/2021	Formannskap/plan- og økonomiutvalet	PS	31.08.2021
75/2021	Kommunestyret	PS	07.09.2021

Sakshandsamar	Arkiv	ArkivsakID
Lin Tove Thomassen	FE-030	19/1040

FJERNMØTE FOR FOLKEVALDE ORGAN

Kommunedirektøren sitt framlegg til vedtak:

Kommunestyret vedtek at folkevalde organ kan gjennomføre politiske møte som fjernmøte, som eit sekundært alternativ til fysiske møte.

Formannskap/plan- og økonomiutvalet - Sak 74/2021

FPØ - Behandling:

Heidi Rongved, Ap la fram følgjande tilleggsforslag:

Det skal vera ein tungtvegande grunn til å velja fjernmøte, og årsaka skal koma klart og tydeleg fram i innkallinga.

Formannskapet drøfta saka.

Kjartan Haugstad, SV la fram følgjande tilleggsforslag:

Det vert ikkje opna for at enkeltmedlemmer kan delta i ordinære folkevalde møter frå digitale plattformer.

Boris Groth, Frp la fram følgjande tilleggsforslag:

Ombudsutvalet får i oppdrag å utarbeide reglar/rammene for bruk av fjernmøter, som etter sakshandsaming takast inn i reglementa til dei folkevalde organa sine reglement.

Røysting

Kommunedirektøren sitt framlegg til vedtak vart samrøystes vedteke.

Arbeidarpartiet sitt tilleggsforslag vart samrøystes vedteke.

Tilleggsforslaget frå SV vart vedteke med 6 for (SV,Sp,Ap og H) og 1 (Frp) mot.

Tilleggsforslaget frå Framstegspartiet vart samrøystes vedteke.

FPØ - Tilråding/Vedtak:

Formannskapet si innstilling til kommunestyret:

Kommunestyret vedtek at folkevalde organ kan gjennomføre politiske møte som fjernmøte, som eit sekundært alternativ til fysiske møte.

Det skal vera ein tungtvegande grunn til å velja fjernmøte, og årsaka skal koma klart og tydeleg fram i innkallinga.

Det vert ikkje opna for at enkeltmedlemmer kan delta i ordinære folkevalde møter frå digitale plattformer.

Ombudsutvalet får i oppdrag å utarbeide reglar/rammene for bruk av fjernmøter, som etter sakshandsaming takast inn i reglementa til dei folkevalde organa sine reglement.

Kommunestyret - Sak 75/2021

KOM - Behandling:

Kommunestyret drøfta saka.

Formannskapet si tilråding vart samrøystes vedteke.

KOM - Tilråding/Vedtak:

Kommunestyret vedtek at folkevalde organ kan gjennomføre politiske møte som fjernmøte, som eit sekundært alternativ til fysiske møte.

Det skal vera ein tungtvegande grunn til å velja fjernmøte, og årsaka skal koma klart og tydeleg fram i innkallinga.

Det vert ikkje opna for at enkeltmedlemmer kan delta i ordinære folkevalde møter frå digitale plattformer.

Ombudsutvalet får i oppdrag å utarbeide reglar/rammene for bruk av fjernmøter, som etter sakshandsaming takast inn i reglementa til dei folkevalde organa sine reglement.

Formelt grunnlag:

[Kommunestyrevedtak 65/2020](#)

Kommunelova § 11-7 Fjernmøter

[Midlertidig lov om unntak frå kommuneloven](#) (06.11.2020-01.12.2021)

Saksopplysingar:

Kommunestyret vedtok 22. sept. sak 65/2020 å innføre fjernmøte i ein begrensa tidsperiode, frå september 2020 til juni 2021.

Kommunelova §11-7, 1. ledd gjev kommunestyret rett til å vedta at folkevalde organ i kommunen skal kunne halde møte som fjernmøte. Regelen gjeld både når eit medlem deltek via skjerm eller alle.

Samtidig er det ei begrensing i kommunelova som seier at folkevalde organ ikkje kan handsame lukka saker via fjernmøte (§11-7, 3 ledd). I samband med koronapandemien har Kommunal- og moderniseringsdepartementet vedteke «*Midlertidig lov om unntak fra kommuneloven*», som opnar for at ein kan gjennomføre lukka møter som fjernmøter.

Lova stiller også krav om møteoffentlegheit (§11-5). Vaksdal kommune sender folkevalde møter via kommune-tv.

Kommunedirektøren ser at det kan oppstå eit behov for å gjennomføre folkevalde møter som fjernmøter også i framtida og tilrår at det vert gjeve eit permanent løyve til å gjennomføre møte som fjernmøte dersom det av tungvegande grunner ikkje er mogleg å gjennomføre møtet med fysisk oppmøte. Årsak skal koma klart fram i innkallinga til det politiske møtet.